



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

§. V. De auctoritate revelationum supra positarum.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

liariter tibi univisti, & incundè in anima eius habitasti, cursumq; vita eius beato sine consumasti, oro & obsecro te, ut me miseraris, & me tibi placentem reddas, atq; ad vitam sternam perducas, Amen. †

† Iam sequitur Monitiuncula, in qua pro revelationibus sanctæ Gertrudis testes fide digni producuntur.

S. V.

De auctoritate revelationum supra positarum.

- 1. Sunt ab Ecclesia approbata, specialiter B. Birgitta, & B. Gertruda.
- 2. Ideo à solis indevotis & incredulis possunt contempni.

10. *Revelationes ista à Patribus & Pontificibus Ecclesie Romanae approbantur.*

1. **R**evelationes prædictis feminis factæ, toti orbi innotuerunt, & à pijs eruditisque viris jam olim fuerunt approbatæ: nam & sancti Patres passim eas citant in scriptis & libris suis. Cùm adhuc viveret beata Birgitta, Episcopi Theologique insignes examinaverunt ejus Revelationes: & post mortem ipsius, Concilium Basileense deputavit aliquos pietate doctrinaque conspicuos, qui rursùm illas diligentissimè

discuterent: atque hi omnes constanter affirmaverunt eas processisse à Deo. Similiter Revelationes sanctæ Gertrudis ante & post mortem ipsius fuerunt à doctissimis illuminatissimisque; viris summa cum diligentia examinatæ; quorum unus post accuratam illorum lectionem, scripsit sententiam suam hoc modò: * Ego, inquit, in veritate divini luminis, sentio, neminem, qui Dei spiritu sit illustratus, posse calumniari aut impugnare ea quæ in hoc libro habentur, nam Catholica sunt & sancta.

Moni le Spirit.

* Hæc ipsa reperitur apud eundem Spiritum eodem §. 63.

Ex quibus omnibus liquet, quàm longè adhuc à spiritu Dei sint, qui prædictas divinas Revelationes tanquam somnia muliercularum rejiciunt & irrident. Deus illis ignoscat, & meritis atque intercessionibus charissimarum sponfarum suarum (quas Spiritu suo abundè perfudit, lumineque veritatis excellenter illustravit) nos omnes post miseram hanc vitam, æternæ beatitudini conjungere dignentur, Amen.

2. *A quibus hominibus eadè contemnantur.*

MONITIUNCULA PIO LECTORI.



Vm Monile Blossanum ex historicis narrationibus conflatum sit, & Historie prima laus & dos, fides ex veritate habeatur; visum fuit auctoritatem firmam conciliare Visionibus ac Revelationibus tum istis in Monili Blossano, tum alijs quæ sanctis in Ecclesia Romana viris ac feminis ex omni ordine ac gradu statumq; venerunt, digitorum intendendo in Auctores nonnullos non minus doctrinâ quàm pietate illustres, qui solidè de veritate ac certitudine Visionum ac Revelationum ejusmodi disseruerunt: quorum pleriq; aut hoc Monile nominatim citant, aut feminas visionibus illustres hîc in exemplum adductas. Inter illos copiosè disputat R. P. Martinus Antonius Delrio Disquisitionum Magicarum lib. 4. cap. 1. quest. 3. quo pacto divina revelatio discernenda sit à diabolica revelatione: & adducit B. Vincentium Ferrerium, Ioannem Gersonem, Cardinalem Turrecrematam, Henricum de Firmaria, Aegidium Carlerium, Hieronymum de Ferraria, Franciscum Picum, Petrum Ribadeneiram, Franciscum Arriam, & alios addit tum Scholasticos Doctores, tum prisca Ecclesie sanctos Patres. Deinde omnia per omnem memoriam sacrorum Annalium Revelationum ac Visionum mysteria enucleat, & in lucem profert, adductis exemplis ac Doctoribus plurimis, R. P. Franciscus Ribera lib. 1. cap. 1. Vita sanctæ Matris Teresie de JESU. Videndi etiam sunt quotquot sancti Pauli divinas Epistolas doctis & pijs Commentarijs illustrarunt, inter quos honoris gratiâ duo nominati cum fructu legentur; Eximius D. & M. N. Guilielmus Estius, & R. P. Cornelius à Lapide, præsertim super 1. Corinth. 14. 6. 2. Cor. 12. à versu 1. ad multos sequentes. Gal. 1. 12. & Gal. 2. 2. Ephes. 3. 3. & alibi, ubi de Revelationibus & Visionibus loquitur Apostolus. Sunt item consideratione digna, quæ de Visionibus ac Revelationibus, & cautelâ in illis, confert ad rem R. P. Thomas à JESU lib. 2. de Oratione divino cap. 10. adductis præter Gersonem, Richardum, Harphium, Cajetanum super 1. 2. quest. 17. art. 7. sanctis Patribus, Augustino, Diadocho, Iustino, Bonaventurâ. Scripsit etiam pro Revelationibus tum his quæ in Monili Blossano proferuntur, tum alijs tam antiquioribus quàm recentioribus

bus in communi & in particulari, Richardus Lauinham Carmelita in Determinationibus pro libro Revelationum sanctæ Birgittæ, in Academia Oxoniensi & Londinensi publicè expositis, teste Posservino in Apparatu: Heymericus de Campo in Defensione Revelationum sanctæ Birgittæ, teste Catalogo MS. Martinensium Lovanii, & Ioannis Bunderij Ordinis RR. Patrum Prædicatorum Bruxellæ; qui etiam citat quemdam Gentilem ex Ordine, ut putatur, sancti Benedicti: Antonius Daça in Vita Ioannæ de la Cruz, cui Præfationem adscripsit Franciscus de Sosa Episcopus Canariensis, multa doctè & piè differens de Revelationibus sanctarum quatuor Blossianarum, & aliarum. Ignatius de Ibero Abbas S. Theologiae Magister & Qualificator, ut vocant, sacre Inquisitionis, de iisdem solidè disputat. Pro Revelationibus hisce & alijs denuò ex Societate IESV præclari assertores prodierunt, Gonsalez de Albornos & Ludovicus Ferrerius in Propugnatione Revelationum Ioannæ de la Cruz, Melchior à Villa-nova de Oratione mentali, Tract. 4. dans solida documenta circa revelationes veras & falsas, Ludovicus de Ponce in Duce spirituali Tract. 1. cap. 20. 21. 22. 23. & Tract. 3. cap. 8. & in Cantica lib. 3. exhortatione 30. §. 3. & lib. 8. exhortatione 7. §. 3. & 4. & in Vita R. P. Balthasaris Alvarez Confessarij sanctæ Matris Teresie, in via mystica valdè illuminati, cap. 33. & 53. Franciscus etiam Suarez Tom. 2. in 3. partem D. Thomæ disput. 19. sect. 4. Gabriel Vasquez in 3. partem disput. 17. cap. 6. à num. 75. ad 80. Petrus Thyraeus varijs Opusculis de Apparitionibus seu Revelationibus Dei, Angelorum, & animarum humanarum; Maximilianus Sandeus in Theologia mystica lib. 2. in Commentatione de Apparitione mystica; Bernardinus de Villogas in Opere Hispanico de Sponsa Christi, quam instruit per vitam S. Luægar dis lib. 5. cap. 22. 23. 24. ubi etiam disputat, cur plures divina Revelationes mulieribus concessæ quàm viris: Bellarminus lib. 2. de Purgatorio cap. 8. pro Purgatorio desiderij, noto in Revelationibus S. Birgittæ, citat D. Thomam in 4. distinct. 21. art. 1. asserentem, in ijs que de Purgatorio determinata non sunt ab Ecclesia, standum esse ijs que sunt conformia Revelationibus Sanctorum. Hispanicè etiam editus est Petrus Navarrus Ordinis Minorum, scribens Notas Theologicas & Morales in Vitam & Revelationes Ioannæ de la Cruz, & Petrus Ioannes de discernendis Spiritibus. Peculiares tractatus pro Revelationibus sanctæ Gertrudis divulgaverunt Doctores Academiae Complutensis, edente Ioanne de Castanza

Ordi-

Ordinis sancti Benedicti Madriti : item Parisiensis P. D. R. C. in Tractatu Theologico pro Revelationibus & Insinuationibus sanctæ Gertrudis : item Maurus de Salazar S. Theologiæ Doctor, & Generalis Ordinis ejusdem ; item Petrus de Herrera Ordinis Prædicatorum Cathedralicus Salamanticensis ; item Franciscus de Sancta-MARIA Carmelita excalceatus ; item Doctor illustris Dominicus Bannez ; item Franciscus Suarez & Ioannes de Siguença, uterque ex Societate IESV ; quos, & alios, cum suis sententijs & elogijs citat R. D. Leander de Granada Manrique Abbas Ordinis sancti Benedicti in Discursibus & Scholijs partim Hispanicis, partim Latinis, & inter illos nominans approbatorem Revelationum sanctæ Gertrudis Ludovicum Blosium, ita loquitur : Inter alias personas graves & magnæ auctoritatis est noster Pater Ludovicus Blosius in multis locis Monili spiritualis, quod tanti ab omnibus æstimatur, ob singularem devotionem & fructum ejus. Didacus de Yepes Ordinis S. Hieronymi, Episcopus Turiasonensis ibidem, laudans Revelationes Gertrudianas, affirmat sese ferè omnes memoriâ tenere, & Blosium in Monili præsertim, adeò sibi placuisse, ut sæpè totum evolverit : & cum Hispanicè Hispali ederetur, curâsse singula à prælo folia ad se mitti, eaq; Philippo II. Regi Catholico, qui tum morbo ad mortem ultimò decumbebat, tanquam Regium Confessarium legisse, tanto Regis gustu, ut, absente Didaco, per filiam suam Serenissimam Infantem Isabellam relegi sibi curaret. Ad hæc non abs re fuerit vidisse pro Revelationibus Dionysium Carthusianum Sermone 5. de Corpore Christi ; vitam & libros Ioannis à Cruce, quem gravissimi viri vocant plenum sapientiâ ex cælo infusâ illuminante & accendente, unde multa ad Blosij illustrationem adferri possunt ; Constantinum de Barbanson Ordinis S. Francisci Capucinorum, de Amoris divini semitis, in Viâ orationis mentalis ; Aloysium Legionensem in Præfatione Operum S. Matris Tereciæ de IESV, & in Compendio de Gradibus orationis per Thomam à IESV. Franciscum ab Ossuna Ord. Minorum in 3. Abecedario spirituali, quo libro pro Revelationibus velut magistro S. M. Tereciæ utebatur ; ut & Anonymo ejusdem Ord. in lib. de Ascensu in montem Sion.

HLVDO-